

# **RAHSIA AL-QURAN - DARI SEGI ILMU DAN FALSAFAH**

## **SIFAT ORANG YANG TAQWA**

### **(II)**

Di dalam siaran penutupnya ini adalah dijelaskan setengah daripada sifat-sifat orang yang taqwa yang sentiasa dipuji berulang-ulang kali oleh Allah ‘Azza Wa Jalla di dalam kitab suci al-Quran al-Karim, kerana mulianya seseorang itu dan tinggi darjatnya adalah disebabkan sifat taqwanya .

(Oleh ‘Abdullāh Basmeh)

Di dalam ayat suci yang telah lalu huraian ada disebutkan bahawa salah satu daripada sifat orang yang taqwa ialah menahan marah dan memaafkan kesalahan orang lain, semestinya kerana berharapkan keredhaan Allah .

Sayogia diketahui sifat memaafkan yang terpuji itu ialah yang mengenai hak sesama manusia, tetapi yang berhutang dengan hak Allah taala maka tidak sekali-kali boleh dimaafkan. Soal ini adalah lanjut huraianya menurut penerangan alim ulama.

#### **BERIHSAN**

Di antara sifat-sifat orang yang bertaqa wa ialah sifat ‘ihsan’ . Ihsan, maknanya menuaikan sesuatu perkara dengan sempurna. Rasulullah (SAW) telah menerangkan sifat ihsan dengan sabdanya: “*An ta ’budallāh kaannaka tarāh, fain lam takun tarāh fainnahu yarak*”

Ertinya:”hendaklah kamu beribadat kepada Allah seolah-olah Kamu melihat Dia, Kalaupun kamu tidak melihatnya maka Iyanya melihat kamu”.

Ibadat menurut kaedah ini tak dapat tiada hendaklah penuh dengan Ikhlas dan berjaga-jaga daripada tercebur kedalam larangan tuhan. Demikian juga hendaklah suci daripada riak.

#### **BERISTIGHFAR**

Di dalam ayat suci itu ada disebutkan bahawa orang-orang yang taqwa ialah: “Orang-orang yang apabila berbuah kejahanatan atau menganiaya diri, segeralah mereka mengingatkan Allah. Lalu meminta ampun akan dosa mereka (kerana sudah tetap) tiadalah yang mengampunkan dosa melainkan Allah. Mereka itu juga tiada berkekalan di atas perbuatan yang salah itu ketika mereka mengetahui”.

Maksudnya apabila mereka terlanjur melakukan dosa maka mereka segera bertaubat dan menyesal dengan tidak berdegil

dan bertempoh-tempoh lagi.

Dalam pada itu orang yang beriman itu ada dua darjahnya.

Pertama: Darjah tinggi, iaitu meninggalkan kejahanan semata-mata, Kerana ianya menyalahi peraturan Tuhan. Kedua: darjah rendah, iaitu meninggalkan kejahanan kerana takut kesan balasan seksa.

Di dalam ayat yang mulia itu juga ada dijelaskan bahawa tidak ada yang akan mengampunkan dosa melainkan Allah sebagai galaknya supaya kita segera beristighfar dan meminta ampun kepadanya kerana ianyalah juga mengampunkan segala dosa dan rahmatnya meliputi segala-galanya.

Selain itu daripada itu adalah juga menarik perhatian bahawa orang yang berdosa tidak sayogia berputus asa daripada rahmat dan keampunan Allah, kerana pintu rahmat sentiasa terbuka di hadapannya apakala ia segera bertaubat dan menyesal atas perbuatannya yang salah itu.

Balasan mereka itu telah diterangkan oleh Tuhan Azza wa Jalla.

Firman-Nya; “*Ulā’ika jazā’uhum maghfirat min rabbihim wa jannātin tajrī min tahtihā al-anhār khālidina fihā wa ni’mā ajru al-‘āmilīn.*”

Ertinya: Balasan mereka itu mendapat ampun daripada Allah, dan masuk syurga yang mengalir air sungai di dalamnya, serta kekal mereka di dalamnya. Yang demikian ialah sebaik-baiknya pahala bagi orang-orang yang beramal.

Di dalam al-Quran al-Karim kedapatan banyak kali tersebut lafadz “*al-Jannah*” –(Syurga) dan *Jannah* (Syura-syurga) sebagaimana lawan bagi perkataan “*al-Nār*” (Neraka) .

Al-Jannah pada lugah maknanya kebun, tetapi maksudnya dengan tidak syak lagi bukanlah maknanya pada lugah bahkan maksudnya ialah tempat ni’mat yang berkekalan pada hari akhirat. Kita diwajibkan beriman dengan “syurga” sebagaimana kita diwajibkan beriman dengan “neraka” dan tidak sayogianya kita membahas hal keduanya.

Demikian juga manusia, sebagaimana mereka berlain-lain tentang amal masing-masing (banyak sedikitnya, tinggi rendahnya) maka

sudah tentulah balasannya berlainan.

## PERATURAN ALLAH

“Sesungguhnya telah lalu sebelum kamu beberapa peraturan Allah, maka mengembaralah kamu dimuka bumi ini, dan perhatikanlah bagaimana akibatnya orang-orang yang mendustakan agama, demikian maksud firman Allah yang terkandung dalam ayat itu.

Tuhan ‘Azza Wa Jalla menerangkan bahwasanya masyarakat manusia adalah berjalan menurut peraturan yang tetap dan kaedah-kaedah yang tidak berubah, sebagaimana berjalannya undang-undang alam menurut peraturan tersebut.

Suatu umat yang menyesuaikan perjalanan hidupnya menurut peraturan ini itulah umat yang berjaya yang akan mendapat keuntungan yang besar. Manakala umat yang tidak menurut dan jahil akan peraturan itu atau tahu tetapi tidak beramal dengannya malah ia beramal dengan jalan yang salah, menurut runtuhnya hawa nafsu dan syahwa, maka umat itu akan menjadi hina dina dan hapus pupus.

Di antara undang-undang atau peraturan Tuhan yang membawa bahagia kepada manusia ialah: pengetahuan dan akhlak yang terpuji: syarat beriman dengan Allah, hari akhirat, Nabi-nabi dan kitab-kitab sucinya: Dan taat kepada Allah dan Rasulnya.

Di antara juga yang membawa bahagia kepada manusia ialah: Kekuatan dan pertahanan, serta usaha mendapatkan kekuatan benda dan semangat.

Di antara peraturan hidup ialah adil, tidak mementingkan muslihat diri malah seorang itu tertentu bekerja kerana kebajikan ramai.

Bangsa-bangsa yang tidak berpegang kepada peraturan hidup ini akan menerima penghinaan dan penderitaan. Demikianlah yang telah berlaku dahulu dan sekarang.

Tuhan Azza Wa Jalla telah menuntut supaya kita mengambil ictibar dan pengajaran. Daripada semuanya itu, dan diperintahkan supaya manusia mengembara dimuka bumi bagi

(sambungan muka surat 16)

larangan berijtihad sebenarnya larangan itu terhadap kepada mereka yang menggunakan fikiran menurut hawa nafsu yang semestinya tidak waras dan tidak berdasar kepada muslihat am atau dasar Islam yang teguh!.

Dan lain lagi ada pula segolongan ulama yang mengatakan pintu ijtihad sudah tertutup dan menyuruh kita syor salah seorang Imam mujtahidin. Sebenarnya perkataan ini berlawan dengan dasar Islam. Tidak sesuai dengan tabiat Islam yang luas cuma perkara ini adalah satu jalan yang dilakukan oleh sekumpulan ulama mutakhirin pada masa berlaku fitnah agama zaman dahulu supaya menjaga keelokkan agama dan tashri‘ Islam yang demikian bukanlah bertujuan menyekat berijtihad sebagai fahaman separuh ulama.

Oleh itu saya rasa ijtihad itu memang wajib untuk menjaga ketinggian Islam, kesucian agama, asalkan sahaja orang yang ijtihad itu ada mempunyailah alat atau bahan untuk berfikir.

---

(Sambungan daripada muka surat 13)

Meninjau dan menyaksikan sendiri akan cara-caranya hidup yang membawa kemajuan sesuatu bangsa dan kejatuhananya, yang membawa kebahagiaan dan penderitaanya.

Membaca sejarah dan mempelajari cara hidup sesuatu bangsa adalah salah satu usaha yang berfaedah seperti mengembara dan menyaksikan sendiri akan keadaan umat itu dari dekat.

Di dalam al-Quran perkara ini telah digalakkan dengan berulang-ulang seperti firman-Nya: “*fahal yantażirūn al-asnatin al-awwalīn? Falan tajidu lisunnatullāh tabdīlān , walān tajidu lisunnatullāh taḥwīlān?*”


Ertinya: “tiadalah yang mereka tunggu melainkan peraturan Allah yang telah dialami oleh orang-orang yang dahulu kala. Maka tiadalah bertukar peraturan Allah itu dan tiadalah berubah-ubah melainkan tetap selama-lamanya.”

Ayat yang mulia yang menjadi maudu‘ rencana ini telah disudahi dengan firman-Nya:

*Hadhā bayān li al-nās wa hudā wa maw‘iẓah lil muttaqīn.*

Ertinya: “Quran ini ialah penerangan bagi manusia.

Dan menjadi petunjuk serta mengajaran bagi orang-orang yang takwa”.



Bergambar ramai setelah sekolah agama Kuala Dungun Terengganu mengadakan majlis Ihtihal baharu-baharu ini